



АКАФИСТ

ПРЕПОДОВНОМУ
БЕРАФИМУ БАРОВСКОМУ



Тропарь, глас 4

От юности Христа возлюбил еси,
блаженне, / и Тому Единому работати
пламенно вожделев, / непрестанною
молитвою и трудом в пустыни подвижался
еси, / умиленным же сердцем любовь
Христову стяжав, / избраннык возлюблен
Божия Матере явился еси. / Сего ради
вопием ти: // спасай нас молитвами
твоими, Серафиме, преподобне отче наш.

Кондак, глас 8

Мира красоту и яже в нем тленная
оставив, преподобне, / в Саровскую
обитель вселился еси, / и тамо ангельски
пожив, / многим путь был еси ко
спасению, / сего ради и Христос тебе, отче
Серафиме, прослави / и даром исцелений
и чудес обогати. / Темже вопием ти: //
радуйся, Серафиме, преподобне отче наш.



Акафист преподобному Серафиму Саровскому

Кондак 1

Избранный чудотворче и предивный угóднице Христóв, скóрый помóщнице и молíтвеннице наш, преподóбне óтче Серафíме! Величающе прослávльшаго тя Гóспода, воспеваем ти похвálnая. Ты же, яко имéяй вéлие дерзновéние ко Гóсподу, от всяких нас бéd свободí, зовúщих:

Рáдуйся, преподóбне Серафíме, Сарóвский чудотворче.

Икос 1

А́нгелов Творец избра́ ты́ изнача́ла, да прослáвиши житиём твоём



**пречудное имя Святыя Троицы: явился
бо еси воистину ангел на земли и во
плоти серафим; яко луч пресветлый
Вечнаго Солнца Правды, просветися
житие твое. Мы же, зряще прехвальныя
труды твоя, с благоговением и радо-
стью глаголем ти сицевая:**

**Радуйся, правило веры и благо-
честия; радуйся, образе кротости
и смирения.**

**Радуйся, преславное верных вели-
чание; радуйся, претихое скорбным
утешение.**

**Радуйся, прелюбимое иноков похва-
ление; радуйся, живущим в мире
предивное поможение.**

**Радуйся, Россійския державы славо
и ограждение; радуйся, тамбовския
страны священное украшение.**

**Радуйся, преподобне Серафиме, Са-
ровский чудотворче.**



Кондак 2

Ві́дящи ма́ти твоя́, преподо́бне
о́тче Серафі́ме, те́плую любо́вь твою́
ко і́ноческому жити́ю, позна́ святую́
во́лю Господню́ о тебе́, и Бо́гу, я́ко да́р
соверше́н принося́щи, благослови́ тя
на те́сный пúть і́ноческий святы́м
кресто́м свої́м, егóже до конца́ жития́
твоегó на пёрсах носіл есі́, зна́менуя
вёлию любо́вь твою́ к распёну́шему за
на́с Христу́ Бо́гу на́шему, Емúже всі́ со
умилёнием зовём: Аллилу́иа.

Ї́кос 2

Ра́зум небесный тебе́ дарова́ся,
святче Бо́жий: от ю́ности твоя́ не
престая́ помышля́ти о Небеснем,
оста́вил есі́ до́м о́тчий Ца́рствия Бо́жия
ра́ди и пра́вды Егó. Сего́ ра́ди приими́
от на́с похва́лы сия́:

Ра́дуйся, гра́да Ку́рска ча́до богоиз-
бра́нное; ра́дуйся, роди́телей благо-



честі́вых о́трасле пречестна́я.

**Ра́дуйся, добродѣтели ма́тере своея́
унаслѣдивый; ра́дуйся, благоче́стию
и моли́тве е́ю научѣнный.**

**Ра́дуйся, на по́двиги от ма́тере
кресто́м благословѣнный; ра́дуйся,
благословѣние си́е я́ко святи́ню до
сме́рти соблюды́й.**

**Ра́дуйся, любве́ ра́ди Го́спода до́м
оте́ческий оста́вивый; ра́дуйся, вся́
кра́сная ми́ра сегó ни во что́ же
вмени́вый.**

**Ра́дуйся, преподо́бне Серафíме, Са-
ро́вский чудотво́рче.**

Кондак 3

**Си́ла Вы́шняго от ю́ности твоея́
войсти́ну храня́ше тя́, преподо́бне:
с высоты́ бо хра́ма спа́дша сохрани́ тя
Госпо́дь невреждѣнна, и стра́ждущу**



ті люте Самá Владычица міра явіся,
с Небес исцеленіе принёсши, зане́
измлада вѣрно служил еси́ Бо́гу, вѣну
взыва́я Емѹ: Аллилу́иа.

Їкос 3

Име́я тща́ние о по́двизе ѱноче-
скаго равноа́нгельнаго житія́, во гра́д
святы́й Кіев поклонѣ́нія ра́ди препо-
до́бным Печѣ́рским прите́кл еси́, и от
ѹст преподо́бнаго Досифѣ́а повелѣ́ние
при́м в пу́стыню Саро́вскую пу́ть сво́й
упра́вити, вѣрою изда́леча облобыза́л
еси́ ме́сто свято́е сіе́, и та́мо вселѣ́вся
жити́е твоѣ́ богоуго́дное сконча́л еси́.
Мы́ же, дивя́щися таковому́ о тебѣ́
Бо́жию промы́слѣ́нию, со умилѣ́нием
вопи́ем ти́:

Ра́дуйся, мирскія́ суеты́ отрѣши́-
выйся; ра́дуйся, Небѣснаго́ Оте́че-
ства пла́менне возжелавы́й.

Ра́дуйся, Христа́́ все́м се́рдцем



**возлюбивый; радуйся, благое иго
Христово на себе восприимый.**

**Радуйся, совершеннаго послушания
исполненный; радуйся, святых
заповедей Господних блюстителю
верный.**

**Радуйся, ум твой и сердце в Бозе
молитвенно утвердивый; радуйся,
столпе благочестия непоколебимый.**

**Радуйся, преподобне Серафиме, Са-
ровский чудотворче.**

Кондак 4

**Бурю злых напастей утишая, прошёл
еси весь путь тесный и скорбный
подвига иноческаго, несый ярём
пустыннаго жития, затвора и молчания,
многонощнаго бдения, и тако, благо-
датию Божиею восходя от силы в силу,
от деяния к боговидению, преселился**



есї во Обїтели Гóрняя, идѣже со
А́нгелы поѣши Бóгу: Аллилѹиа.

Їкос 4

Слѣшаще и вїдяще святóе житиѣ
твоѣ, преподóбне óтче Серафїме, вся
брáтия твоя удивляхуса тебѣ и, прихо-
дяще к тебѣ, поучахуса о словесѣх твоїх
и пóдвизех, славяще Гóспода, дївнаго
во святѣх Своїх. И мы всї с вѣрою
и любóвию восхваляем тя, преподóбне
óтче, и вопиѣм тї сїце:

Рáдуйся, всего себѣ в жѣртву Гóспо-
деви принесѣй; рáдуйся, на высотѹ
безстрастїа возшѣдый.

Рáдуйся, воїне Христóв добропо-
бѣдный; рáдуйся, Небѣснаго Домов-
ладѣки рабе благїй и вѣрный.

Рáдуйся, предстáтелю о нас пред
Гóсподем непосты́дный; рáдуйся,
к Богорóдице молїтвенниче наш
неусы́пный.



**Ра́дуйся, пречу́днаго благоуха́ния
кря́не пусты́нный; ра́дуйся, благо-
да́ти Бо́жия сосу́де непоро́чный.**

**Ра́дуйся, преподо́бне Серафи́ме, Са-
ро́вский чудотво́рче.**

Кондак 5

**Божество́нный свѣт осия́ жилище
твоѣ, преподо́бне, егда́ боля́щу ти́ и на
одре́ смѣртнем лежа́щу, Сама́ Пречи́стая
Де́ва, пришѣдши к тебѣ́ со святы́ми
апосто́лы Петро́м и Иоа́нном, рече́: «Се́й
есть от ро́да на́шего»,— и главе́ твоѣй
косну́ся. А́бие же исцеле́в, воспѣ́л еси́
благодаре́не Го́сподеви: Аллилу́иа.**

И́кос 5

**Ви́дя враг ро́да челове́ча чи́стое
и свято́е жити́е твоѣ, преподо́бне Сера-
фи́ме, восхоте́ погуби́ти тя:́ наведе́ бо
на тя́ люди́ злы́, и́же беззако́нно истя-**



за́ху ты́ и е́ле жи́ва су́ща оста́виша; ты́ же, о́тче святы́й, я́ко а́гнец кро́ток, вся́ претерпе́л еси́, за оби́дящих ты́ Го́сподеви моля́ся. Те́мже мы́ вси́, таково́му тво́ему незло́бию дивя́щеся, вопие́м ти́:

Ра́дуйся, в кро́тости и смире́нии тво́ем Христу́ Бо́гу подража́вый; ра́дуйся, незло́бием тво́им ду́ха зло́бы победи́вый.

Ра́дуйся, чистоты́ душе́вныя и телесныя хранителю усердны́й; ра́дуйся, пусты́нниче, дара́ми благодатными преисполненный.

Ра́дуйся, подви́жниче богопросла́вленный и прозорли́вый; ра́дуйся, наста́вниче мона́хов предивны́й и богому́дрый.

Ра́дуйся, Святы́я Це́ркве похвало́ и ра́дование; ра́дуйся, оби́тели Сара́вския сла́во и удобре́ние.



Ра́дуйся, преподо́бне Серафíме, Са-
ро́вский чудотво́рче.

Кондак 6

Пропове́дует пу́стыня Са́ров-
ская по́двиги и труды́ твоя́, бого-
но́сне уго́днице Хри́стов: де́бри бо
и лесá ея́ моли́твою облагоухáл еси́,
проро́ку Бóжию Или́и и Крестите́лю
Госпо́дню Иоáнну подража́я, и яви́лся
еси́ пу́стыни прозябе́ние многопло́дное
дара́ми Ду́ха Свята́го, Егóже де́йстви-
ем мно́гая и пресла́вная соверши́л еси́,
подвиза́я ве́рных воспева́ти благих
Подáтелю Бóгу: Аллилу́иа.

И́кос 6

Возсия́ в тебе́ но́вый бого-
ви́дец, Моисе́ю подо́бный, Серафíме
блаже́нне: непоро́чно бо служе́ние
олтарю́ Госпо́дню соверша́я, сподо́-



бился еси зрети Христа, во храме со
Безплотными Силами грядуща. Сему
Божью о тебе благоволению дивящися,
воспеваем ти сице:

Радуйся, боговидче преславный;
радуйся, Светом Трисиянным
озаренный.

Радуйся, Пресвятыя Троицы служи-
телю верный; радуйся, Духа Святаго
жилище украшенное.

Радуйся, Христа со Ангелы телес-
ными очима лицезревый; радуйся,
в брэннем телеси райскую сладость
предвкусивый.

Радуйся, Хлебом Жизни насы-
щенный; радуйся, питием
безсмертия напоенный.

Радуйся, преподобне Серафиме, Са-
ровский чудотворче.



Кондак 7

Хотя Чело́веколюбец Господь явити в тебе́, преподо́бне, Своё неизрече́нное к лю́дем милосе́рдие, показá ты я́ко вои́стину свети́ло богосве́тлое: де́лы бо и словесы́ твои́ми всѣх приводи́л еси́ ко благоче́стию и любви́ Божией. Те́мже сия́нием по́двигов твои́х просвеще́ни и хлѣбом уче́ния твоего́ насыще́ни, тебе́ усер́дно велича́ем и просла́вльшему ты́ Христу́ вопи́ем: Аллилу́иа.

Икос 7

Но́ваго ви́дяще ты избра́нника Бо́жия, издалеча притека́ху к тебе́ ве́рнии в ско́рбех и болѣзнях; и сих, беда́ми отягче́нных, не отрину́л еси́, источа́я целѣ́ния, да́руя утеше́ние, предста́тельствую в моли́твах. Те́мже исхожда́ше во всю́ зѣмлю Росси́йскую



вещание чудес твоих, и сие ты славляху духовная чада твоя:

Радуйся, пастырю наш добрый; радуйся, отче милостивый и краткий.

Радуйся, врачу наш скорый и благодатный; радуйся, немощей наших целителю милосердый.

Радуйся, в бедах и обстояниях помощниче скорый; радуйся, душ смятенных умирителю пресладостный.

Радуйся, грядущая яко настоящая провидевый; радуйся, прегрешений сокровенных обличителю прозорливый.

Радуйся, преподобне Серафиме, Саровский чудотворче.



Кондак 8

Странный чѹдо видим на тебе,
преподобне: яко старецъ сый немощный
и претрудный, тысящу дней и тысящу
нощй на камени в молитве пребы-
вал еси. Кто доволен изрещи болѣзни
и борения твоя, блаженне отче, яже
претерпел еси, воздея подобнии
руце твоей к Богу, Амалика мысленнаго
побеждая и Господеви поя: Аллилуиа.

Икос 8

Весь еси желание, весь сладость,
Сладчайший Иисусе! — тако в молитвах
взывал еси, отче, в пустынном
безмолвии твоём. Мы же, суетою
помраченнии и во гресех все житие
иждившии, восхваляюще любовь твою
ко Господу, сие вопием ти:

Радуйся, любящим и чтущим тя
ходатаю спасения; радуйся, приво-



дѣя грѣшников ко исправленію.

**Рáдуйся, молчáльниче и затвóрниче
предíвный; рáдуйся, молíтвенниче
о нáс усéрдный.**

**Рáдуйся, плáменную любóвь ко
Гóсподу показáвый; рáдуйся, огнѣм
молíтвы стрéлы вráжия попа-
лívый.**

**Рáдуйся, свещé неугасíмая,
молíтвою в пустýни пламенéющая;
рáдуйся, светíльниче, горяй
и светяй даровáнии духóвными.**

**Рáдуйся, преподóбне Серафíме, Са-
рóвский чудотвóрче.**

Кондак 9

**Всѣ естество áнгельское удивíся
стрáнному зрѣнію: стáрцу бо, сýщу
в затвóре, Небесé и земли Царíца
явíся, повелевáющи, да открýет затвóр
свóй и да не возбранíт людем право-**



славным вни́ти к себѣ, но да всѣх пѣти научи́т Христу́ Бо́гу: Аллилу́иа.

Їкос 9

Вети́и многовещáннии не возмо́гут изрещи́ крѣпость любвѣ твоея́, блаже́нне: преда́л бо еси́ себѣ на служѣние всѣм приходя́щим к тебѣ, повелѣние Богома́тере исполня́я, и бы́л еси́ недоумева́ющим советник благий, уныва́ющим утѣшитель, заблужда́ющихся крѣпкое вразумлѣние, боля́щих врач и целитель. Сего́ ра́ди вопие́м ти́:

Ра́дуйся, от ми́ра в пусты́ню всели́-
выйся, да добродѣтели приоб-
рящеши; ра́дуйся, из пусты́ни во
обитель возврати́выйся, во е́же
добродѣтели се́мена се́яти.

Ра́дуйся, Ду́ха Свята́го благода́тию
осия́нный; ра́дуйся, крѣпости
и смире́ния исполненный.



Ра́дуйся, притека́вшим к тебе́ отец чадолюбíвый; ра́дуйся, в словесéх любвé ободрéние и утешéние íм подава́вый.

Ра́дуйся, приходя́щия к тебе́ ра́достию и сокрови́щем именовáвый; ра́дуйся, за любóвь твою́ святу́ю радостей Небéснаго Цáрствия сподо́бивыйся.

Ра́дуйся, преподóбне Серафíме, Са́ро́вский чудотво́рче.

Кондак 10

Спаси́тельного твоего́ по́двига, преподóбне, дости́г сконча́ния, на моли́тве коленопреклонéнно святу́ю ду́шу твою́ в ру́це Бóжии преда́л еси́, ю́же А́нгели святы́и вознесо́ша Горé ко Престо́лу Вседержи́теля, да со все́ми святы́ми предсто́иши во сла́ве нече́рней, воспева́я пéснь хвале́бную святы́х Святе́йшему Сло́ву: Аллилу́иа.



Їкос 10

Стенá всём святѣм и иноком отрада,
Пресвятáя Дѣва пред кончиною твоёю
явѣся тѣ, провозвестѣвши близкое
твоё к Бóгу отшѣствие. Мѣ же, дивя́-
щаяся таково́му посещѣнию Богомáтере,
вопиѣм тѣ:

Рáдуйся, Небесѣ и землѣ Царѣцу
лицезрѣвый; рáдуйся, явлѣнием
Бóжия Мáтере обрадованный.

Рáдуйся, вѣсть от Нея́ ко преселѣнию
Небѣсному приѣмый; рáдуйся,
прáведною кончиною святость
жития́ твоегó показáвый.

Рáдуйся, в молѣтве пред ико́ною
Богомáтере умилѣнный дѣх твоѣй
Бóгу предáвый; рáдуйся, неболѣз-
ненным исхóдом проречѣния твоя́
испóлненный.

Рáдуйся, венцѣм безсмѣртia от руки́



Вседержителя увенчанный; радуйся, блаженство райское со всеми святыми, унаследовавший.

Радуйся, преподобне Серафиме, Саровский чудотворче.

Кондак 11

Пение непрестанное Пресвятей Троице вознося, преподобне, всем житием твоим подвижник великий благочестия явился еси, заблуждшим на вразумление, болящим душею и телом на исцеление. Мы же, благодарни суще Господеви за такую милость Его к нам, ныне зовем Ему: Аллилуиа.

Икос 11

Светоподательный светильник быв в житии, богоблаженне отче, и по смерти твоей возсиял еси яко светозарное светило Российския земли:



источа́еши бо от честнѣхъ мощѣй твоихъ
то́ки чудѣсъ всѣмъ, с вѣрою и любѣвию
къ тебѣ притека́ющимъ. Тѣмже мѣ, я́ко
моли́твеннику о насъ тѣплому и чудо-
тво́рцу, вопиѣмъ ти́:

Ра́дуйся, мно́жествомъ чудѣсъ от
Го́спода просла́вленный; ра́дуйся,
любѣвию твоѣю всѣму́ міру возси-
я́вый.

Ра́дуйся, любвѣ Христо́вы вѣрный
послѣдователю; ра́дуйся, утешѣние
всѣмъ трѣбующимъ твоя́ по́мощи.

Ра́дуйся, исто́чнице чудѣсъ неоску-
дева́емый; ра́дуйся, боля́щихъ
и недѣжныхъ исцѣлѣтелю.

Ра́дуйся, воды́ многоцелѣбныя
кла́дязю неисчерпа́емый; ра́дуйся,
я́ко вся́ концы́ земли́ на́шея
любѣвию твоѣю объя́л еси́.

Ра́дуйся, преподо́бне Серафѣме, Са-
ро́вский чудотво́рче.



Кондак 12

Благода́ть и ве́лие твоё дерзно́вение пред Бо́гом ве́дуще, тебе́, преподо́бне о́тче, мо́лимся: моли́ся те́пле ко Го́споду, да храни́т Це́рковь Свою́ Святу́ю от неве́рия и раско́ла, от бе́д и напа́стей, да поём тобо́ю благоде́ющему на́м Бо́гу: Аллилу́иа.

Їкос 12

Пою́ще твоё прославлéние, ублажа́ем тя, преподо́бне, я́ко многомощна моли́твенника о на́с пред Го́сподем, утэ́шителя и засту́пника, и с любóвию возглаша́ем ти́ си́це:

Ра́дуйся, Це́ркве Правосла́вныя похвало́; ра́дуйся, Оте́честву на́шему щит и ограждéние.

Ра́дуйся, путево́дителю, всéх к Небеси́ направля́й; ра́дуйся, защи́тнице на́ш и покрови́телю.



Ра́дуйся, си́лою Бо́жиею мно́гая чудеса́ соде́явый; ра́дуйся, ри́зою тво́ею мно́гия недúжныя исцели́вый.

Ра́дуйся, вся́ ко́зни диáвольския победи́вый; ра́дуйся, зве́ри дивия крото́стию тво́ею покорíвый.

Ра́дуйся, преподо́бне Серафíме, Са-ро́вский чудотво́рче.

Кондак 13

О предíвный угодниче и вели́кий чудотво́рче, преподо́бне о́тче Серафíме, прими́ ма́лое си́е молéние на́ше, в похвалу́ тебé возно́симое, и, предстоя́ ны́не Престо́лу Царя́ ца́рствующих, Го́спода на́шего Иису́са Христа́, моли́ся о́ всéх нас, да обря́щем милосе́рдие Его́ в Де́нь Су́дный, в ра́дости пою́ще Ему́: Аллилу́иа.

Этот конда́к чита́ется три́жды, зате́м и́кос 1-й и конда́к 1-й.



Ўкос 1

А́нгелов Творе́ц избра́ тя́ изна-
ча́ла, да просла́виши жити́ем твои́м
пречу́дное и́мя Святы́я Трои́цы: яви́лся
бо еси́ вои́стину а́нгел на землі и во
плóти сераф́им; я́ко лу́ч пресвѣтлы́й
Вѣчнаго Со́лнца Пра́вды, просвети́ся
жити́е твоѐ. Мы́ же, зря́ще прехва́льныя
труды́ твоя́, с благоговѣ́нием и ра́до-
стию глаго́лем ти́ сицевая́:

Ра́дуйся, пра́вило ве́ры и благо-
чѣстия; ра́дуйся, о́бразе крóтости
и смире́ния.

Ра́дуйся, пресла́вное ве́рных вели-
ча́ние; ра́дуйся, прети́хое скóрбным
утешѣ́ние.

Ра́дуйся, прелюби́мое ино́ков похва-
ле́ние; ра́дуйся, живу́щим в ми́ре
преди́вное поможе́ние.

Ра́дуйся, Росси́йския держа́вы сла́во



и ограждѣние; радуйся, тамбовскія
страны священное украшеніе.

Радуйся, преподобне Серафиме, Са-
ровскій чудотворче.

Кондак 1

Избранный чудотворче
и предивный угодниче Христов,
скорый помощниче и молитвенниче
наш, преподобне отче Серафиме! Вели-
чюще прославльшаго ты́ Господа,
воспеваем ти похвальная. Ты же, яко
имеяй велие дерзновение ко Господу,
от всяких нас бѣд свободи, зовущих:

Радуйся, преподобне Серафиме, Са-
ровскій чудотворче.

Молитва

О пречудный отче Серафиме,
великий Саровскій чудотворче, всем
прибегаяющим к тебе скоропослушный



помощниче! Во дни земнаго жития твоего никтоже от тебе тощ и неутешен отыде, но всем в сладость бысть видение лица твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явися. Егда же призвѣ ты Бог от земных трудов к небесному упокоению, николиже любовь твоя преста от нас, и невозможно есть исчислити чудеса твоя, умножившаяся, яко звезды небесныя: се бо по всем концем земли нашае людем Божиим являешия и даруеши им исцеления. Тем же и мы вопием ти: о претихий и краткий угодниче Божий, дерзновенный к Немю молитвенниче, николиже призывающия тя отвѣчай! Вознеси о нас благомощную твою молитву ко Господу сил, да укрепит Державу нашу, дарует нам вся благопотребная в жизни сей и вся к душевному



спасёнию полёзная, да оградѣтъ насъ отъ падёній греховныхъ и истинному покаянiю да научѣтъ насъ, во ёже безпреткновенённо внѣсти намъ въ вёчное Небёсное Царство, идёже ты нынѣ в незаходимей сияёши славе, и тамо воспевати со всёми святыи Живоначальную Троицу во вёки вековъ. Аминь.

Величание

Ублажаемъ тя, преподобне отче Серафиме, и чтимъ святую память твою, наставниче монаховъ и собеседниче Ангеловъ.



Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому ←
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	За единоумершего
	3:00, 9:00, 15:00, 21:00	Б. М. «Казанская»
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё